

سنابل نور



سنابل نور
محمد الشهاوي
الطبعة الأولى عام.. ٢٠١٩

دار لوغاريتم للنشر والتوزيع.
تصميم الغلاف: أمير عاشور.
رقم الإيداع : ٢٧٨٧٤ / ٢٠١٩
الإخراج الفني: محمد الشهاوي .
المدير العام: إيناس ناصر.
المدير التنفيذي: شادي أبو شهبه.
 logarithpublish@gmail.com
 01281052824

© جميع الحقوق محفوظة. لا يسمح بإعادة إصدار هذا
الكتاب أو أي جزء منه أو تخزينه في نطاق استعادة المعلومات أو
نقله بأي شكل من الأشكال، دون إذن خطي مسبق من الناشر.



سنابل نور

شعر

محمد الشهاوي

عاش أبي الحاج (يوسف الشهاوي) يقسم
محصول حقله كل عام كالتالي :
حصة لبيتنا، وحصة تُرد للحقل، و حصة
للمبيع .
وهذا محصولي ..



إهداء الديوان

إلى الشعرِ رباً ، وإلى أملٍ دُتقل رسوئاً



حصّة الحقل

يا أيها الشعريُّ يا جُرحي ومعجزتي
إن لم تكن رايتي الكبرى فكن كفني
"أحمد بنحيت"

الغار

الهمس ده في وداني من قبل الميلاد
بيقول لي إن الشَّعر لونه زي لون العرش ،
- إرمي كلامك ع الطريق
يُطرح سور خضرا ،
أُحصَد ورتل في القصيدة على رواية ورش .
قال لي بإن الله حلف بالشَّعر،
لكن ملاك الوحي ما فسَّرش .
قال المعاني تساوي ضعف المستحيل
قوم وامسك البرق في إيديك

واكسر مدارك ، تنتصر
في رقص حرّ مع الطيور
افتح ترايس المدى وعدّي على إيقاع الحيول
وارمي صهيلك مطرقة فوش السما
تكسر صماويل الزمن
حرّ غزالك يا فتى
وخلّيه يغني للفضا ؛
أو للتاريخ ،
لمعلّقات الجاهليين ،
للحدّاة

للجمال

للعنفوان ..

كان هو ده نصّ القدر ،
أو وحي جاي لي من شيطان .

ضربة ودع ، بتقول بإنك يا مُريد
راح تُبلغ السرّ العلي في مُنتهى التوهان ،
واتاريني بحُفْرِ في الورق
وازرع سنيي كلها تطلّع شجر دخان
..

سجدة عبث
في دار عبادة للـ مافيش
ونزيف بينحل مني آخر احتمالات الوجود
ذهني تابوت شايلاه الحروف في جنازة أولى للصمود
دمع الكمنجات اتبرى ولا جشش أوبريت الخلود ..
يا كل كلمة
الهجرة ليك عزف مرّ في سيمفونيات الضياع
وبترمي جمجمتي في غار
وبتوعديني بفتح روما في قلبه

وتقولِي وداع ،
فاصدّق الكذبة وازمِرم ع الفراغ

..

يا دين أبو ده أعتقاد
لما أعرّي للقصيدة فرجها
علشان تفوق من كبرها
فتشدّني الشهوة واصلي لها سُهاد
وانام في شريان الشيطان
واحلم بقُفطان الولي في صُفة الزُهَّاد
وباشوفي باجري في المنام
عطشان وتايه في البلاد
وباشوف بنات الكلمة عريانة
وطالعة من شفايفي
تنفّشي سري في العباد

وبتفضح الحلم الدّفين،
واقف على باب العراق
عطشي بينده ع الحسين :
- شوف لي تفسير للمنام ..
الغار ده فاضي من الأساس
والعنكبوت عشّش عليه بأصنام كلام
أصنام على مد البصر مانعة مسيرة النور
عن زُمرّة المريدين
مصلوب عليها شعب كامل من جوارحي الحفيانين
أصنام بتمدح
أصنام بتهجو
أصنام بتنهشني هنا لحم ، وبكا ، وإحساس
أصنام وحبساني في غار
ناولني يا سيدنا ابراهيم الفاس .

سورة السّؤال

وحدي نبات شيطاني في وحدة حبيتي
مليون قصيدة مُعدمة فينا
ومازلنا على باب ربنا واقفين بنستفهم ونبكي.
..

– لو كنت شيطان في السما
وسمعت أمر الله وسجدت،
أو كنت نُص إله
وقرّرت اني اهاجر عرشي واحترف الغنا،
هل افهم المغزى ؟

وأقتنص الحقيقة من الحياة والحُب والنَّص البعيد ؟

– إحنا ملايكة في كفّها نبع الحياة والموت ، فكون
كيف ما تكون واكتب.

– لكن اتطلب مِنّا التوازن واستقامة تفعيلات البحر
ويّا الروح ! برغم الحالة والناس والقضية !

قالت بخزي :

– إحنا التابو .

– هل دي فريضة ربنا في الشِّعر لو يصدق حبيبي ؟
لو تقومي تضفّري وجّعك أوي

مع لَحْنٍ كَسْرِي يُتَوَلَّدُ مِنَّا الْقَصِيدَةُ
 الوزن لو مكسور فعادي مـ احنا برضو مكسورين
 لو يسألوكي عَنَّا ، قولي ما بدالك
 كل قولانك مُباح
 عَرَّيْ لِي شِعْرِي ، اترهيني
 وانبُذِي كل البحور
 مستفعِلن ، فعُلن ، مفاعيلن ، فعول
 أهو كل ده محض اقتراء
 والله صوت كعبك و خُلْخَالَك في وقت الرقص
 أَصْدَقُ صَدَّقِي
 أَرْقِصِي
 وهيكتمل وزن القصيدة
 وأنْشِي كل الشَّرح كل التقطيعات
 (حركة وسكون) ..

ترقصي .. ؟

- أكتب .. قالو لي الكلمة فرض الحزن من بعد
الحقيقة ، تكتب ؟

- أرقص بتنورة واتوه
الرقص علّني الصلاة جواً الموسيقى .

- طب نرتجل ؟
تُربط مسار التوهه بالكلمة، نغنيّ، ف نتوجع ، نبكي،
ونعزف، ننصهر في اللحن ، ننساب، نلتحم بالجسم تشهق
وانتشي ، نرقص ، فتأله ، ونخلع جسمنا،
نسبح في روح الكون ، تقابل ربنا ونفسك ، أأذّنك،
تصليّ ، فتبتدي تكتبني .

- الأولى نسكت .. صدّقني لحي مش حمل انكشاف
المعجزة ،
والكلمة حایل تُقلها
بيني وبين دم المعاني ،

- لو ترتجل ، أرقص ، ونخلع جسمنا ؟
- الأولى أسكت .

- ترتجل ...

- قومي احضنني غصب عني
نغمي وجعك وكسري
رّبي فينا الجروح
يا حبيبتي ،

من يرّجّي منّا استقامة تفعيلات البحر جوى الروح ؟
هل دي فريضة ربّنا في الشّعر لو يصدق ؟

وانا ناي بفعل الضَّغَط والتَّسْكِين،

لا ..

أنا شوقي للأُنْثَى وللشهوة
في تنية جِلْدِها ف جِلْدِي
و وصول النَّشْوة حد ما ينتشي الملكين

لا ..

أنا في معاني الروح
وباتهجى ابن عربي في رحاب الله

لا..أنا أنا ..

يا اللي باموت في حضنها
علشان يادوب المس حياة.

– كان مين سبب إنا نكون سُعرا؟

– الحقيقة نشكره

أو نكره في الشّر ،

ننكر شعرنا أو نهجره ،

فسيبيني اهاجر فيك واتوه.

– سييهم ، تعالى اسجد معايا في البعيد لله .

– لو تُهت منك في المعاني وشوفت صُدفه الله ..

هل هاقدر اني اكون للحظة شيطان جريء ،

واجهر برأيي ساعتها واقتنص البعيد ؟

نسخ آية الذِّكر

قالت :

– حياة الشَّعر لحد.

خدني البكا لحظة وسرحت ،

– البائسين أهل الكلام «بمرارة كاملة اتكلّمت «

المدفونين في رُكن غامق م التاريخ

اسرح في عين الله ،

الله جميل ..

شوف السما لابسه النجوم

والأرض لابسه لنا النخيل

وانا لابسه ع اللحم النهار

وانت اللي وحدك وسطنا
لابس على دمعك قيص الليل
دمعك عويل ومش مبرر للحياة.
قلت:

- حربي إذا طوق النجاة
وهمست بين نفسي :
أن اذكر في كتابك شاعراً ما
مات في القصيدة من سنين
قد كان قديساً ولكن .. الأرض مش للمؤمنين
..
نسخ

واذكر في كتابك شاعراً مات في القصيدة من سنين
قد كنت قديساً ولكن ،
الأرض مش للمؤمنين

كان في فقلبك غار قديم
قاعد بتكتب فيه قصايد ،
كان فوق عينيك خيط عنكبوت
وعلى كفوفك جوز حمام ،
قوم يا صديقي الوحي أصبح عود حطب
لا منه بعث لدين جديد
ولا ينفع ان نلحنه ونردده أغنية بنّاع القهاوي
يا صديقي الكل هاوي
القافية و السّجع المبين ،
راح تدعي قومك كام سنه علشان يعودوا لرشدهم ؟ !
أيوب رحل ويّا الطيور
في هجرة الزّهق الأخيرة ،
والشّاعرون السابحون العاكفون على الوجع

سايين قلوبهم للزمن ينهش ما فيها
مترهبنين في الكلمة
والتفعيلة وف شبك الحروف ويّا الودع
مستأنسين جداً
بمقطع في القصيدة عن شؤون فرد الحمام
وهو ييغازل حمامة .
و الشاعرون .. الشاعرون
كانوا بزوغ الدّمع في لحظة هطول الفجر في عيون
الكفيف،
عاشوا تجلي الله في خَلقه جناح فراشه و نُصرته لسكران
ضعيف
هُمّا .. صُراخ طفل النبوة في ثورته ع الوحي
والموروث .

مابعوش وجعهم للزمن بتمن رديء
قدّسوا الوجع القوافي
صلّوا في القافية الوجع
ثم من بعد الصلاة
اتردّدوا ..

اتشكّوا ..

اتمردّو ..

ارتدّوا .. قاموا ردّدوا

بيتين جُداد في النصّ .

الشاعر الميّت في معراجهِ رجّع

معدوم بمفتّح القصيدة .

مليان بإيمانه ،

بربنا و الرّفّض ..

والكسر في الأوزان

والثورة ع الطغيان ،
والليل وإسلام الجسد
وخضوعه لجراحه القديمه ،

ف ..

بسم الإيمان بعباطنا والموت القدس ف الشعر
صلت قلوب العارفين على القصيدة وسلت تسليما

..

أما العوام ، ف عوام

وانت سيزيف البلد
وحدك بتدفع دمعك ليل غرامه
وحدك وهمك معتكف

يا من بكيت الأرض، والناس، والوطن
وورثت زرقاء اليمامة .
فسرت خطوات الغبار -

حذّرت من حلم العزيز
قولت لهم:
الي حصدته لا تذرّوه في ديواني يا قومي سنابل
افتحوا باب القصيدة
صدّقوا طموح المجاز
لكنهم سخروا

..

ف

يعلّ غبار الدنيا يجرّوا يندھوك
يا أيها الشاعر — قُم الموت إلا قليل —
يا شاعر النَّاس يا دليلنا لرَبنا
اغزل لنا الأُحزان فنخيل
.. ف يا صديقي

امنحني قوة كافية إني ابكي علياً

وهامنحك ضعفي وهزايمي ترتجل عنهم مقاطع
قد تضيفها مفتح ليك في الديوان .
.. تسمو دموعنا يا فتى إن فُصِّلت تفصيل ..

..

وقول لكل اللي ادَّعى شمس ف ضلام الكون
بإن الكلمة
أهلها مُغرمين بالإسود الحالك
وبتقلَّب سنينهم دفتر الأحزان صُفْح
عتمة ، وغبار دائماً وأموات في الجسد
لكن روحنا قوس قُزَح
فاذكر مشاعرك يا صديقي كما يليق
بنملة حرَّة خارجة عن سير الجماعة .
سيبهم في جُب المُمكَّات ،
واخرج يا يوسف بابتسامة صُبْح مليان بالخيول

شائلة فتوحات الورود
واهدي لحوّا و لحمها ونهارها بسمة كبرياء،
أو القصيدة بصمت يغلوه الخشوع
واذكر في شعرك إسمها أو قول لها :
- ليكي النجوم ويا النخيل والنخيل
وليّ انا لمعة عينيّ بالدموع .

المعرّج

لو هوَّ كان على عرشه يحس بطوافنا وغُلبنا
كان وزَّع الليل والسهر
كان قسَّم النور والمَطَر
على كل عيِّل من عياله المنحولين
الشرقانيين لـ ندى سنه
الساجدين في الغار سنين
اللي بيرموا عمرهم فوق الورق
ويثبتوه بمسمار قديم

يطبع على ظهر السطور
قصيدة بس مجرّحة
تنزف على جلد الحروف
أشهى السنين
والكلمة تبكي وترتجف ،
آه ، هو ضلّي بس رافض يعترف
بالرغم من إني بدور
اجرف بإيدي كل نُقْرة في سماه مليانه ليل ،
واتوضى من كل البحور
واجري أصليّ في أوّل المعبد وراه
.. واحني الجبين

واخشع أوي
وانا في المقام
امسح له أعتاب الكلام

فاتوه وانا في الحضرة ما القاش الدليل
وهو في سِدْرَةِ كَمَالِه و اللّغة
نزليّ حبله اطلع عليه
مالقتش ليه غير النحيب

..

أنا لسه فاكر رحلة المِعْراج على زهر الحروف
لما انكشف بيني وبين وجهه الحجاب
كان في هناك أشجار أسي
كان في بشر يَشْكَلُوا من دمّم
منَحَى في معنى المفردات ؛
كانت بنات بترأود الحرف البَتول ،
كان الرجال يبرّدوا مرّمور جديد للمحبوسين في مَكْمَن
الأيّات ..


الكل ساجد للحروف

بَيْنِي زَرْعَهُ بِالسَّحَابَةِ ،
وَأَنَا وَحْدِي وَاقِفٌ فِي الصَّفُوفِ
بِارْفُضْ أَوْامِرَهُ بِالسُّجُودِ
وَحْدِي بِكُسْرٍ فِي الصَّنَمِ وَمَالِيشَ صَحَابَهُ
يُوحِي لِي أَخْرَجْ مِ السَّمَاءِ
وَمَالِكُشَ فِي الْمَلَكُوتِ قَبُولِ
خَارِجَ أَنَا وَلَا نَيْشَ شَيْطَانِ
وَلَا نَيْشَ رَسُولِ
شُوفْ كَامَ رَسُولِ غَلْفِ سَنِينَ عَمْرِهِ فِي دِيوَانِ
وَرَمَاهُ عَلَى جَبِينِ الشَّوَارِعِ
الشَّمْسُ بَتَشُقُّ الْوَرَقَ
فَيَنْزِمُ الْعَنْوَانَ مُوَاِجِعِ
عَاشَ الدِّيَوَانَ فَوْقَ الرِّصِيفِ
وَاهُوَ شَهْرَ بَرْدٍ وَشَهْرَ صَيْفِ

مكتوب على كل الولاد يستطعمو مرّ النزيف
مكتوب على ظهر الغلاف
يادي العذاب

((مهنة الشاعر أشد حساب
الأصيل فيها استفاد الهم
وانتهى من الزُخرف الكدّاب
لما شاف الدم قال الدم
ما افتكرش التوت ولا العنّاب)) * .

* تنصيص من قصيدة " أيام العجب والموت " لقؤاد حداد



"الحياة ليست ما يعيشه أحدنا، وإنما ما يتذكره،
وكيف يتذكره... ليرويه"

..

غابریل غارسیا مارکیز

كافي إنت

- قوليلي إيه الحب يامّه وإيه الطريق ليا ؟
- قول لي انتَ قبْلَي مين معاك ع الباب ..؟
- واحد غريب جاي لي وبيقولي احضنك .. !
- عارفاه ..

ياني ياطول الصبر ع العمر وبلاه
قول له يُخْش
آديلي روح فوق رُوحِي قاعدة بهدّمتي مستنياه
وماعتش خُلق لعيشتي وهموم الحياة .
هامشي ..

وسلّم لي على كل اللي غايب
كان نفسي اعيش واحضن عيالك بس يلا ..
الله غالب .
أكّد عليهم يأسوا م الخلق تمة ، ويطمعوا في الله ،
عودّ قلوبهم ع الكسور والجرح ..
طعم السنين دي يا بني علّم صب
وان جادت تجود بالملح
إسند على نفسك ولو جاك الغرام ببلاش ،
بلاش ،
طرح الهوى صبار، وزرعه مرار وقسوة
ان جاك يا روحي وانت تسوى
يسيب ويمشي وانت ما تسواش ،
إلزم عقالك يا ضنايا ان حط قلبك رجله في الحب
اكسره ..

صليّ

وغنيّ ..

وافتكّرني ماتنسانيش بالدنيا زُرني

وحُطّ إسمي في دفترك عنوان .

بالْحَقِّ مرّة قعدت بتهجّي الكلام اللي انت كاتبه في
دفترك،

ده كلام معقّد يشبهك !

والله لو فتّشت فيه هتلاقي نَفْسك

هيئتك،

سيرتك ،

وإسمك

روح يا ابني ربنا يُسْتَرْك

نادي الغريب يدخل ده مرسال ربنا .

أو خُدْ بإيدي اطلع له انا .

- خليك يأمه ده جاي عشاني
- صرّخت - وحدّفت السما بالطوب
والله ما يقدر يلبسك خليك هنا
وحطت في صدري قلبها وماتت مكاني .
.. ..

كي الفراق للقلب علّمني أقول الآه وآه م الدمعة
لما بتنغرز في الروح .
تلقي المدى عاتت بيتفرّفت على كفة إيديك ،
أوزي ماتقول ..
البراح جثّة وحافرين قبرها في عينيك
والاقي فين وسّع الحياة بعدك يا حاجة
الدنيا أضيق من خزانة فوق سطوح
..

سايباني سايل وسط أكوام الزمن دمعة
لا نارها واكله ملحها ،
ولا ملحها بيدل النار اللي فيها
بافتح عيوني ع الحياة بعدك
يهجم عليها الحزن يطفيها
عشّش غراب الدنيا فوق غصن البصر
ما قدرت اهشّه بدمعتي تُهت في حوارها
ياضعف حيل الجدع
ده امي ولا سبعين سنه كانت تُقش العتمة من عمري
الخشن بإيديها
ريش الجناح اتخل ..
قلبي اتحنى واتهد
- إيه الحب يأمّه وإيه الطريق ليا ؟
كبر السؤال ع الحد

فمَشَيْتِ افْتَشَّ في النصوص عني
أعمى بسند بالحروف ع الأرض
يامه بتكسرنى القصيدة كل ما انعكز عليها ..
..

وحده ..
واهو كل ما سأل الزمان عني ،
قال المكان : وحده
عمال يطوف في مولويات المجاز
راسخ بتغتاله القوافي
ماعرفش معنى النور يادوب يقدر يشبه ع الحياة
بالشكل .
ردّ الزمن : ف الأدفنه حياً .
قال المكان : تكفي القصايد وحدها للقتل .
..

وكنْتُ ماشي في طُرُق نفسي
سارح باميلّ ع الفراغ نوبة
ونوبة يسندني الجدار
أو ذكرياتي لأمي

عمدان الشوارع
أي شيء .

— عدّت فتاة —

نَبْتَةٌ نسيم اخضر وفي دمعته ف عينيه
صَبَحَ في غيطان لكن بيان الحزن مِتَحَبَّكٍ عليه
أَلحان ريحان

وقمر قديم مَطْفِي ومزْمِي ع الطريق ..
فَخَلَعْتُ إسمي من على كتفي حَطَب
أشعلت فيه المَعْجزة
وبدّرتَه روح جَوًّا فُخَّار جِسْمِهَا

كان المخاض بادئاً لإنجاب اللُّقا
هزّيت جذوعي سَقَطَتْ عيني رُطَب
قولتها إرمني " ما تَوَلَّى وما سِأْتُ وما عَلَيْنَا "
واشربي الضي الي منزوف من ملاحي وقرّي عينا،
لما ارتوتني اتلّوت ، كملت ..
قالت :

عارفني ؟..
قلت لها : لأ .. لكن على جسمك خريطتي
قالتلي : مش فاهمه المجاز أرضك شجر عريان من المعنى
ومن شكل الحياة ،
لَقَّت على سعف النخيل الحزن ، طَفَّتني .
فسكنت دمعي
واحتويت نفسي بنفسي
واكتفيت بيّا وخلص

..

" أنكيدو يا أنكيدو " ..

يا قلبي اللي قاعد في البرية

مصاحب الموت، والحروف، والليل

الحُب مش هذا المكان اللي يناسب شخص ع الفطرة بريء

كان ليه كفرت بقلب نمر اسود

وغاويت مخالب حُضنها الصبّار

تنهش خضارها من مَنِيَّك ع الملاء

وانت تفقرّ في ليالي الجنس بالأشعار ..

حزنك يسّيح ع الشهوة تتنهد

— يصرخ جلدك المدبوح: عَرَق بارد ده ولا دموع -

ف اسكّر بعزم الجرح في صُلبك وغنيّ

اهذي بعلو الصوت :

انخرأ للأحرار ،
يا السّكر يا السّكر النّجاة
ذهني غياب ؛
ونسيت جمال الروح ،
بلاد قلبي ،
صوت العصافير جوا مني ،
ونسيتني حدّ اني نسيت الله ،
وبصليّ في أي اتجاه.

..

فتجيني تنقُرني الليالي واقتكر أُمي ،
آه يانا يامّه
بنسى طريقها في حياتي
تحن لي هي في مماتها ،
وتشوفني تايه في الكتابة، تروح تقول لله :

- رَبِّي ارجعون، لعلِّي ارتب له الورق واعمل له قهوة
عشان يركّز في المذاكرة ،
أُمي ؛

وعود الله ،
وسِدرة مُنتهاه
أَوَّل ما حل الوحي جَوًّا الغار
أبعد قصيدة أخاف اعرّض نفسي ليها
لاكتشف إني مانيش شاعر ،
وان كل ده ، محاوله للتباهي .
كان مفترض
يأمّه اني آ آلف لو قصيدة واحدة ليكي بدون تداعي
كان مفترض
بالحُب أنفخ في القمر روح من ورود
مش بالتعالي

فتشهد لي في الأذان
- أشهد بأن ابني محمد والقصايد توأمان.
ودي حقيقة، لا إله لنصوبي إللاي .
.. أو ربما يكون ده ادعاء باطل ..
وانا طفل تايه في البرية بفطرته
شايل على كتفه التساؤل،
كسبت من طول المسيرة
كل شيء سابوه اللي عدوا
لكني فكّرت بتمني وقلت :
لو إن اللي قبلي كسّروا موسيقى السما
.. وكسّرت تفعيله في قصيدي ، اتشكّلت صورتي
وارتضت بيّ القصيدة رب لها أو تواءم في التمرد ..
ياني !!!! ..
أنا ومضة النور في المجازات، أو إحياء عابر..!!؟

إعتيادي

..

نفس القعدة ،

في نفس الكرسي

نفس الركن في القهوة

ونفس التوهه في وشك

بنفس التعبيرات واحده

وقاعد تحت شمس كثية مش مستني غير نفسك

ومش مهموم بلون البحر

ولا وجود السما و الناس

ولا بترأود الحلم البسيط عن نفسه
ولا بتحسد جناح الغير
ولا بتقولش :

لو لون النهار بكره بيشبه لي،
هاحني إيدياً وأخلق طير .

..

ولا بتحن للماضي
ولا وجعك صرخ بكره
وجثة ذكرياتك غارزة في اكتافك
مافيش حوالبك قبور ليها
وفي جنبك حياة كاملة
ومافيش جواك مكان ليها .

..

ونفس الطير

معدّي من خُصل روحك
مسافر للبعيد وحده
وبتراودك أُماني كثير تطير زيّه
وبتفكّر ..

وتتردد ..

وبتقرر

لكن جناحك البور
معجز قلبك الأخضر
..

ونفس الطير مهاجر من غصون حِلْمك
وبيراودك جناح قلبك تطير وياه
وبتفكّر ..

وتتردد ..

وما تقررش

ويتساوى الأفق في عينيك
سواء يطرح سنابل نور
سواء ما طرحش
فتراجع ..
مش مكسور
لكنك راضي بللا شيء ..
وانك مش أخو يوسف ،
ولا اتورطت في حذفه ف قلب البير
سواء قام النبي يهاجر ..
سواء دم الحسين ع الأرض
ما كنتش داخل الصورة،
وقاعد جنب حيلة روحك المايله
موبايلك مات مايرئش
ولا بتتمنى أو مستنى حد یرن .

وما بترثيش .. ولا بتمدح
ولا وجعك قصيدة كاملة للخنساء رثاء وضعك .
حياتك ، تَل من أوراق
مكرمشها وراميهـا بعيد
على آخر رصيف جواك
وقايم عادي تمشي لحد نهاية الآخرة
تشوف نسلـك بيتعذب ،
وناس شـبهـك بـتـنـعم
ملايكة ونار وصوت الله ،
فتسجد ثم تمشي بعيد ،
كأن الآخرة ماتخصكش ..
تسيب رجلـك توديك زي ما توديك
خيالك وحده في السكة
ووحـدك ف الخيال ماشي

ما بتبصش وراك أبداً
ومش غيران من الناي
في حُرِّية بُكاه دائماً ،
..

غروب الشمس في المشوار
ماعادش بيوجعك يمكن
ولكن يمكن اتعودت ،
أمنت بكل مايمكن تأمن بيه عشان تنسى
وينساك الوجع بالوقت ..
وكام مرّة
ينادي الموت وماتردّش ؟ !
وكام مرّة ..
تشوف الدنيا عريانة لحد الخصر ؟
ولا تبصش !

.. ف مين كان السبب إنك
خيالك وحده في المطلق
ووجدك في الحياة ماشي
وقاعد هي هي القعدة من بدري
في نفس الكرسي نفس الركن في القهوة
يعدّي القهوجي يسأل
- نفس القهوه يا محمد ؟
ف بتجاوبه بنفس الرد .

وئتبسم ..
يادي إسمك الأزلي اللي ماخترتوش
بقيت صاحبه برغم انك بعيد عنه
ومش محتاج تصاحب حد .

الحرج

نَزَفْ أُولَ

يا ابويا مال العمر
عمّال يزيد في المر
قلبي مسيح طائر
وعشان غناه الحر
يحذّفوه بالطوب
بارحل والـف بلاد
بأغاني لحم ودم
رحال ياطير رحال ،
لو ألف ميل ورا ميل .

ويا ابويا طولةً البال
علّت جبال الطين
والليل في نِ العين ؛ جدّ ويفرّع
وانا كل ما احي اطلع
على ناصية الدنيا
لو خطوتين قدام
ألقى الزمن يرجع
ف اسرح أنادي الفجر
والفجر مش سامع
ف باصاحب المواويل
مكتوب عليا الصبر
وورثت يابا الحلم
يا وضعنا الحالي
ليه مجبورين ع الليل

نَزْفَ تَانِرِي

يا أرض الصّبر
انا كنت ف ضواحي بلادك الخرسا ولي ومقام
وانا كان أصلي في الدُنْيا
يسوع للمظلومين ويمام
وياما القهر شرّخ كل جدراني
دخلني المرُأسّس قلّعتَه ف قلبي بوضع اليد ما اتكلّمت
وانا استسلمت للغاب اللي في جفوني
وللموت اللي نبت فوق حيطان الدار
ولا في هروب
وبحلم إنّي راحل للهدى ولافّني في ملاية الغروب،
خلاص سبّلت حروف إسمي لملاك الموت على كفّه
وقرّرت اني اكون حلفه

لإني كثير راسلت الشمس ميت مرسال ولا
ردّتش ..

وكان نفسي
أشوف بكرة هيبجي ازاي
وأشوف الفجر بيعديّ جسر الليل ويأدي
المناسك النهار الجاي
دانا ياما

حلمت كثير بلون النور
وإني أغير المقدور
واحفر لي في بكرة بحور
واعليّ الموج على كيني
واخلص نفسي من خوفي
وكان نفسي
ترحل يا ضلام م الكون

لاجل اني بيان شكلي
واعرف وجهتي واسمي
واشوف ليه الآمال بتدوب
وليه الحلم ما كملشي
وليه اصبرُ على الأيام
وليه الأيام ماتصبرشي
وكان جرحي
جذوع لبلاب بتمدّد على ضهري
فتطلع من شقوق عمري
تطفي آخر القناديل
وتدهن صمت ع الأركان
وع الشارع
وع الحِيطَة
في لحظة ما جنازة الشّمس عدّت .

اعتيادية لتنين

..

نفس القعدة

في نفس الوحدة

في نفس الركن في القهوة

ونفس اللعة اهه في عينيك

وقاعد ..

على بُعد انكسار واحد من إنك تصير لا شيء

قلبك خلاص ..

حثة حديدة رماها بيع الروبابيكا على عرض الطريق ،

معدى القهوجى لكن
ماعتش هيسألك طلبك
خلاص عارف
بإناك كسر إنسان انتهت بيه الحياة دي للرتابة من
سنين،

قهوة ع الريحه
، وورق ، وقلم
ويعنى قد تضيف ليهم سيجارة، من قبيل كسر الروتين
..

شكل الكراسى الفاضية والفوضى اللي فى الشارع،
مش يفكر ك غير بيك
تتبعتر سنين العمر ع الأسفلت
تبص عليها باستهزاء..
هزيل فى الحب ، مابتشتقش للذكرى

ومش مهموم أوي بشكلك
ولا بتلوم ملامحك إنها وحشة
وحيد مُستأنس الوحشة
..

يطول الوقت بيك

- عادي

وبالتدرج بيدبل دمّك الأخضر تقول :

- أهو .

يموت جواك جنين القمح

تعدّي جنازة والثانية

فتسأل ربنا ع الموت: خلّقه له .. ؟

تموت مُلحد،

تعيش مسجّد،

سواء الله أزل موجود،

سواء الكون عبث مادي،
مش فارقہ النتائج إيه ..
ولو فيه احتمال موتك
مش فارق يكون إمتى
هذا الآدمي الساكن في طرف القهوة والوحدة
وجواً عينيه دموع خرسه
.. تقريبا كده انتَ .

حصّة البيت

..

كان قلبي الذي نسجته الجروح
كان قلبي الذي لعنته الشروح
يرقد الآن فوق بقايا المدينة
وردة من عطن
هادئاً بعد أن قال لا للسفينة
وأحب الوطن .

"أمل دنقل"

ضربات الموج

هنضيف قصيدة كاملة تخلق مـ العدم سما من جديد،
تُوجد في تاريخ اللغة
لو آية واحدة تحمل الله في الحروف
وتورثه جيل بعد جيل
من غير ما يتشوّه بتأثير الزمن جواً النفوس .
..

قصيدة تمنح في صكوك غُفران
وصكوك وطن لللاجئين

قصيدة تامة في الهتاف
أو في الدموع والمعدومين
والجوع حصار
والقبر انا شايله على ضهري وماشي
العمر بينز ف صديد
وبمد روجي للشروق قربان
والمح الفجر اللي واقف حافي فوق ظهر الروابي
يببتسم للطفل في نُطفة أبوه
ويسيب على جدار الرّحم
آخر كتابات منتحر
" بلادي بلادي يا سجنني المديد "

..

قصيدة كاملة لا امتداد
ضل الشيطان على أرضنا

ساعة انهيار العرش فوق سطح المدينة، واعتماد إبليس
مؤذّن يا بلال ارحل خلاص مات النبي
وماهش قبر في زهرنا .
قصيدة للعهر المفوّه ،
قصيدة للدم المشوّه ،
من لحن مقطوع الإيدين ..
جبريل هيعزف لحن ما
وجبال داوود هتأوّبه
ويكملوه العطشانين الله .
نُص الملائكة يفتلوا بدم الشهيد ثورة جياح
وفي نُص بيألف قسايد للقيامة والحساب
نادي المغنيّ والصحابة
الثّورة صورة من العبادة في بُعد آخر للكتاب .
قصيدة كاملة للشباب

الخالقين نور الرجوع
الباسطين أرض الميعاد
الناخين في السور على باب الميدان
الكل محشور للميزان
مين راح يفيدكم يا عبيد الإنهزام
راضين بأردئ معنى للنفس الرديء
تنهيدة من حبة وجنس اسود على عرض الطريق ،
وانتوا غاوات ع البلد
وتمنّا كان دعم الرغيف
ملعون أبو الشعب اللي متغمس خضوع
مش فارقة عن واحده بتركع ع الإيدين
والحجة قرصة جوع

..

لّسه سجدكم في مدارات العظيم

.. نُصُ الإله الحالم العالم
واشم على الأرض اتجاه
عكس اتجاه الأنبيا
إخلع جبينك من معابدهم وصدّق
إن في بحر لإيديك
أو إن من حق الشعاع والنور في حلمك
ياخذوا حقوقهم في السما السابعة،
وآمن
إن من حق البلد جواك تعيش
وبإن دمي وان دمك ،
وان حلمي وان حلمك،
وان نبضي ونبض عُمرِكَ ،
وان شَرَفِي وعرض أرضك
مش تمنهم يا ابن جِلْدِي كَارْتة فيها زيت وعيش.

يا ابن مُرِّي ..
من مرار الحلق
أو حتى جفاف الرّيء
بفعل الآهه والموج والتردّد في انكسارات الطريق .
.. فاردين على تراب الزمن
لحّمي ولحمك للكلاب السرمدية ،
غارزين في عينك ضلّهم
ومشوهين وجه القضية،
..

عدموك وقالوا :
- الله ما يعرف لكش دين
- الله بتعهم يختلف عن ربنا الصافي الجميل -
وسابوك في كوكبنا المريض
مكسور وماشي ..

والطريق أصلاً دواير.
كل المناظر تشبه امبارح مرار
جرحك شقوق
هتبص في مراية أبوك
تلقى إيديه متشقّقه
وهتقرا في سيرة الجدود
تلقى بواقي جرحك المالح ،
وهتكتشف علقم حقيقة عُهر سيدنا العظيم
في حكاوي ستّك عن شقوق طين الأراضي
وعن نصيب المربوطين ع الساقية
في سرعة مواتير الحضارة
وعن مصير بُرج الحمام
بعد اما صادروا كل ما فيه من خشب
وباعوه وقود للبورصة في دُول الشمال

لضمان زيادة سهم أسيادنا في أبراج التجارة .
..

كل الأحاسيس الي في نهارك سراب
وما فيش مجال للأغنية في الليل .
واقف لوحذك يا رفيق القهر في وسط الفراغ
كل اتجاهاتك حصان
مطلوق عنانه للمفيش
وايديك إلهك
والزَّمان هو القرار ،
قطَّع لهم ألواحهم المحفوظة ..
قوم ابعث الوحي الأخير
بسورة تانية بعد إقرأ " بسم ربك "
إقرأ

ب اسم البنات اللي استباح الخوف صراخها في ركن
أعمى في السجون

ب اسم الشباب اللي انكسر فيه الصباح
فكفر بطُغيان الآباء

بسم الإِباء في الحُر
إخلق سلاحك ،

اليوم شراعك م الحديد والنار

ورايتنا دُنقل والقصيدة

اخْلَقَ سماءات من جديد

اخْلَقَ بحار

قوم اكتب الوحي الأخير .

....

المعبد

..

مشقوق جبين الهرم
والدم سالع النيل
والفرحة يوم الجني
بقت صراخ وعويل
موجوع يا جنب البلد
ومنين نجيب مواويل
ده الشرخ جواً البدن
ونزيفه هدّ الحيل ..

مالك يا جبل الليل ؟
رابط آدان الفجر
ومقيّد المادنة !
كان في هنا بلادنا اللي ياما الطير آتاها
يحج ويغني
وانا إيه بقى مني
غير الدموع ع العضم
وسما مصيرها الهدم
والنّخل متعلّق في مشنقة الحرس
والحلم لو أصبح فرس
يبقى مصيره الحرق
وان جيت في يوم اهتف
ألقي الرصاص في الحلق
..

مشقوق جبين الهرم
يا سيد الكهنوت
والدم خارط في فساتين الصبايا لون دموع الخوف
ف شوف
مين اللي شال باب السماوات ؟ .. دنس الملكوت .
كان ليه عجنّ الدم بالحنة
وعزّمت لملاك الموت ؟
كل الحيطان في المعبد ادّقت عليها جماجم الفجر الوليد
خلّع في عضمي من عيون الأُمنية المدفونة
في حبال الوريد
وارفع عليه إسمك وصورتك راية للتوحيد
ب اسم الإله النسر ؛
ب اسم الشعوب والعنكبوت على جبين الصُبح

واهي كل أرحام النسا داخل أراضى الوقف لميلاد
العبيد .

..

يا أيها الفرعون
نادي الحواريين
وحلفهم - بمائدة تدلت - من جبال الله
يهودا خاين لليمين
ولأزعيم ؟
نادي ل هامان ..

قول له يحفر لك سلام في المدى ،
إطلع عليها ،
مد الإيدين بالصولجان كسر شبائك السما
واحتل عرش الله كمان ،
عباد ضلالك سجداً

راح يرفعوا ليك الآدان
ويرتلوا عُهرْكَ تسايح في الصلاة وقرآن
أنا مش جبان
ملعون ابوك ياللي رميت الشمس في تروس الطوفان..
..

قطّع سرايين الهتاف
في كل خيل نادى على الفجر اللي قام
ينزع مفاتيح الشروق
من نين عين المستحيل
مد ف عروق الضلّة وصلها لشغاف القلب
على فين تروح؟!
....

يا أيها الفرعون ..
يا فالح الظُّلمات ،

صَلَّبَ موالِدنا الذكور على رصاصك في الطريق ،
موسى جاي على نهر دم يجري من جرح في إيدِين
جبريل ،

وعيسى قام يحيي اللي مات
وهيرسم الله ع الصدور
سامع هتاف عظم الشهيد يبرج جدران القبور
شوف عُقبة نازل ع البراق
والشاذلي ماسك له الرايات
ونوح على حبال المطر
نازل بطوفان الشروق
المعبد اتشال م الجذور
إيد طيبة ماعرفش مين
هي اللي راح ترمي البذور ..
علشان تضيف لنا بعد آخر للرؤى ..

موازين جديدة للذنوب ،
سادس صلاة بعد الفروض ويا ابن رومي
واقلاطون

بعض العبث للمنطق الثابت
بعض المطر في يونيه أو يوليو الحزين
علشان تضيف المُمكّات للمستحيل .

أنا الغريب

..

رابط حبال صوتي في طرف الناي وناوي اني أنوح
بدل الحمام
لاجل الوطن اللي ادفن صاحي في ليل أعمى مالوش
رجلين
راصص دموعي على وتر
محني على ضهري
باعزف أغاني عنها حمرا من البكا
حتى ترانيم اليمام

بترتل الأحزان شجر

..

وانا الغريب .. اللي بلاده اتكعبلت فاتبعترت
واتشققّت فيها السما واتكسّرت
والفجر كان حامل في شمس معوّجه ومالهاش عنين
لميت مواجعي ؛ والنخيل ،
ويّا الشوارع ،
والبلابل ،
والسنين -

فوق كتفي ومشيت م البلد
رامي شباكي ع السما وطالب مدد
يا هل ترى ربك هيرزقني بوطن
أفرد على ضهره الحواري والشجر
ولا أزاميل القدر

حافرت على قوينة جيبني بالعريض
أبقى فراشة تايهه في نوة سجون..

.. مالهش رجوع ؟

وان الحنين لما يشبك ف الضلوع
يملاني من يم الفروع لما الجذوع
ويحني عيني بالدموع
ونهايتي إيه الا الخضوع
مدام غريب
..

و انا الغريب ..

اللي مواويلي غصون
طارحة قلوب دبلانة من كُتر النزيف
علشان بغني عن بلد
يشتلوا فيها المرار

وعياها هُدُوا الشمس ع الأيام وُجُم
يترجوا من بكره النهار !
وإيه باقي غير الأطلال ؟!!
وسيل دخان .
أنا ، فاكر حيطان الدار
وكل جدار
يحلف لي بإن الفجر مات تحته
وإن الناس شافت دمه بيتشقق
.. وماسقتوش

وإن الكل في بلادي
جدور شايخة ناخرها السوس

..
أنا لسه فوق كتفي بلاد
ه ادعي إلهي ب إنه يخلق لي عباد

واعمل وطن
واسقيه بنزف الأمنيات
وأذهن حيطانه بالنجيل
وافتح قناية للنهار
وأبني مواني في السما
واكتب عليها بالمُنَى
ممنوع وقوف الليل هنا -

وَعَدَ

..

مَشْنُوقٌ عَلَى بَابِ اللَّيَالِي يَاطِيرُ
مَمْنُوعٌ عَلَيْكَ الْآهَ وَمَمْنُوعٌ مِنَ الصَّيَاحِ
مَجْبُوسٌ وَمَسْحُوبٌ مِنْ حَشَاكَ عَلَى خَطِّ سِيرِ
أَنَا كُنْتُ وَعْدَكَ بِالْفَضَا
وَحِلْمَتِ زَيْكَ بِالنَّخِيلِ

..

يَا بِلَادَ مَلِيهَا الضَّنَا

أنا سُلالة نَكْبَتِكَ
بِأَزْمِ إِيْمَانِي وَبِرِبْطِ قَلْبِي فَوْقَ كَتْفِي وَاسَافِرِ يُمْكِنُ أَلْقَى
اللَّهُ عَلَى أَوَّلِ دُرُوبِ الْحَلَمِ ،
وَإِنِّ الِّي كَافِرَةٌ بِالْمُنَى
فَبَامُوتٍ فِي حَضْنِكَ مِنْ سَكَاتٍ
دَمِ النَّهَارِ فَعَيْنِي سَائِلٌ عِ الطَّرِيقِ
وَبِأَشَدِّ عَزْمِي وَانْتَفَاضٍ وَأَنَا بِشَيْلِ الْفَجْرِ مِنْ قَبْرِكَ
فَيُقَسِّمُنِي الْبُكَاءُ نُصَيْنِ

..

مِنْ الِّي هِيَ صَدَقَ بِإِنْ الْعَازِفِ الْمَيِّتِ عَلَى بَابِكَ شَهِيدٍ
كَاتَ رُوحَهُ سَاكِنَهُ فِي الْوَتَرِ
وَكُلِّ مَا يَبْجِي الْوَجْعَ عَلَى عَوْدِكَ الْمَحْنِي بِأَسَى
جَسْمِهِ يَنْزِفُ فِي الْحَنِينِ تَحْتَ التُّرَابِ

..

خُشي التُّرب
هتصدّقي إن الحياة في الموت
ألف من الودع اللي فيكي
يابلاذ بتهوى تطحن القلب في رَحَى
مين اللي سابك في الطريق عريانة من حضن الشجر
وعرّى فيكي سوءتك
ومين فرد كبده جسور
علشان يعدّي الشّمس للنطفة اللي في رحم السما
حرّمتي ليه عليا الضحى
ده انا كان في نفسي احنيّ شَعْرُك بالقصيدة
وارقّ القلب اللي داب ما الشوق وسهران ع الفنار
بيشبّك النور في سماك
يمكن تشوف طيف الغلاظة
وكنّت بـ احلم اغنى للطير الأخير

واساعده يبقالك حبيب
فما تزعلش لو جيت ساعدته ع الرحيل
أو جاني يوم بطّلت فيه أنّي استحي •

سفر إحياء الموتى

أ ، ل ، س

وغيامة العهد القديم

ويًا انكسار لون الشجر

بعد امتلاء أرض البلد نُفَّار على هيئة بشر

وجراد على ملايين جماجم واقفه بتردد

" نعم "

..

مربوط انا من حلبي في صمت الجثث

مانعني من إني أحل الصبح من ناب عزرائيل .

مادد شموعي مدد لروح الفجر ، ياربي .
يارب .. يا متجلي
محتاج أنا سور أسرافيل
" لعلّي "

..

يتشكل الوحي لخيوط تلقى طروف الروح في جبل الله
يناجيني ..
- عبس ،
عبس واستجدى الحياة والبعث من لحد الغياب
بالأمنيات

يعلى الهذيان في المطر بالدم
فيزيد من إيمانه بالاعتباط
ويطالب الله بالنزول
يا مدثر الموج بالسكون قوم

يمكن تقوم المعجزة من تحت أنقاض السنين
وتلاقي روح التائبين ، الثائرين
شِكل وجود من ضُحّاها المُستكين
أول مظاهره للبشر عكس اتجاه الممكنات
واتلو مع الروح القدس وش الضحى
فُض الضلام م السما
وامسك ضنى النور بالأغاني ،
الأغاني سيوف .

— يا الله
مُستَمسكون مُستَمسكون
مدّ البصر مكسور ما بين وسع الغيوم
والذّاهبون الذّاهبون
يأسوا من القُربان ومن كهنة آمون يأسوا

هاجروا مع ذا النون إليك
صَفُّوا من العُمَر الرَدِيءِ شهقة حياة
مع وردة شائلة ذكريات بتآن
منحوا عيونهم للصليب
يمكن يشوف دمعة آهالي المصلوبين فيحن
وارتضوا بال س بلاد
وأما الصدور هتفت أوي بالشوق
غسلوا قلوبهم م الحنين إالي بيخُط ع الدموع
وارتضوا المجهول قبور .

— قُلْ يا عباد الله
ما تغربوش العضم عن تُربة جدوده
واقنعوا جَدَّب الغمام إنه يجيكم بالمطر
واتعلموا ازي تحلوا

وهتسمعوا لحن الصدف في الأغنية الموعودة والليلة
الكبيرة في الميدان ،
لو يسألوك عن صورة أغمق للحياة
مثلاً ..

إن مات نهارهم واندفن
واتجرت كل القبور بالعضم ،
إيه يبقى طلع المطر ؟ ..
انفض الخوف وبثباتك قول : شجر
.. وطن .

وقل للمؤمنين بالحنطة وفروج النساء
صلّو على سيف الخنوع
العزلة دين اللا مدين لله
ألا ف فكوا العضم عن وضع السجود
قوموا اصرخوا بـ لا .. ولا ،

ال لا ،

فرصة واحدة للنجاة

ال لا ،

فرصة واحدة للوفاة بمحض الإرادة

يمكن الدّم اللي راح

يرجع فراشة في الهتاف الحرّ،

الدّم هينّيت نجيل جوّ الميدان.

الفهرس

٩	حصّة الحقل
١١	الغار
١٧	سورة السؤال
٢٥	نسخ آية الذكر
٣٥	المعراج
٤١	حصتي
٤٣	كأني إنت
٥٥	إعتياديّه
٦٣	الجرح
٦٣	نَزَف أول
٦٩	اعتيادية اتنين
٧٣	حصّة البيت
٧٥	ضربات الموج
٨٥	المعبد
٩٣	أنا الغريب
٩٩	وعد
١٠٣	سِفَر إحياء الموتى
١١١	الفهرس

